



# САМУРДИН

## ссс

«Маггарамдхуурьн район» МР-дин  
общественно-политический газет.  
Общественно-политическая газета  
МР «Маггарамкентский район».

Газет 1951- йисалай акъатзава. № 47(7867) киш, 4-ноябрь, 2017- йис. Къимет 6 манат.



## Т е б р и к



*Гъуърметлу районэгълияр!*

*За квез халкъдин садвилн югъ- госуларстводин  
важиблу сувар рикIин сидкъидай мубаракзава. Чи уьл-  
кведин вири халкъарин садвилн ва тупламишвилн  
нетижсада чалай лап залан имтигъанрай экъечIиз  
алакъна. Идалай къулухъни гъакI жедайдахъ чун  
инанмиш я.*

*Халкъарин садвилн сувар чаз Iехи несилрин лап  
хъсан адетар ян тагана давамаруниз, Россиядин хал-  
къарин садвал хуьниз эвер гузвай лишан я. Къуй ада  
квез ислягъвал, сагъламвал, хушбахтлувал гъурай.*

*«Маггарамдхуурьн район» МР-дин  
Администрациядин къил  
Фарид АГЪМЕДОВ.*

2018 - ЙИС  
ПАТАЛ

# САМУРДИН

## ссс

ГАЗЕТДИН  
ПОДПИСКА  
БАШЛАМИШ ЖЕЗВА

\* \* \*  
ИНДЕКС:  
6 вацра - 51406  
12 вацра - 63340

Г А З Е Т  
райцентрдал почтамтда,  
хуьрера адан отделенийра  
подписка ийиз жеда.

\* \* \*  
ГАЗЕТДИН КЪИМЕТ  
6 вацра - 141 манат  
12 вацра - 282 манат



# Хабаррин КИМ



## РАЗИВАЛ ИЙИЗ ЖЕДА

АЛАЙ йисан кӱд вацран вахтунда Россияда, гъар агъзур касдал гъалтайла кьиникърин къадар 12,6 кьиникъдин тӱмил хъанвайдан гъакъиндай, РФ-дин здравоохранениедин министр Вероника Скворцовади хабар гана.

-Алатай йисав гекъигаЙла, алай йисан гъа вахтунда чалай 39 агъзур уьмуьр кьутармишиз алакьна- лагъана ада милли медицинадин пала-



тадин конгрессдал ва давамарна, - кьиникърин къадар 2,3 процентдин тӱмил хъанва.

Министрди алава хъувурвал, кьиникърин къадар вири уьзурай агъуз хъанва. Месела, стӱлжемдин нетижада кьиникъар хъун 19,5 процентдин, туберкулез акатун 18 процентдин, нефесдин органрин уьзурар хъун 10 процентдин тӱмил хъанва. Гъакни винел патан себебрин нетижада жезвай кьиникърин къадарни 11,5 процентдин агъуз хъанва.

## КЪЕТИЕН ФИКИР ГАНА

РД- дин Гьукуматдин Председателдин везифаяр вахтуналди тамамарзавай Абдусамад Гьамидова 23- октябрди республикадин государстводин властдин жавабдар кьуллугърал алай ксарихъ галаз совещание тухвана. Анал государстводин яшайишдин политика уьмуьрдиз кечирмишунин, агакьарнавай энергоресурсрай хъанвай буржар тӱмиларунин, кудай шейэринни энергетикадин комплексдин саламатвал хуьнин месэлайрай ведомствойрин уртах мах-



сус дестедин кӱвалахдин нетижаяр веревирдна.

Идалай гъейри, анал Дагъустанда рекъемрин экономика вилик тухунихъ галаз алакьалуяз программа гъазуруникай, республикадин территорияда «Хатасуз шегъер» тӱвар ганвай аппаратно- программный комплекс кардик кутуникай, культурадин ирсинин объектриз талукъ делилар автоматламишнавай «Реестр» тӱвар ганвай информационный система туникай ихтилат фена.

Ятарин майишатдин комплекс вилик тухуниз ва Храх –Уба, Урьян –Уба хуьрерин агъалияр масанриз куьчарунин месэлайризни фикир гана.

## ЦИЙИ РЕКОРД ЭЦИГНА

КЪЕНИН юкьуз Дагъустандин майишатри ва фермерри 150 агъзур тонн уьзумар кватӱнава. Сезон акьалтӱдалди 200 агъзур тонн кватӱн пландик ква. Им кьанни цӱд йисуз тахъай хътин агалкьун я.

Хуьруьн майишатдин министерстводин делилрай малум хъайивал, республикада кватӱнавай уьзумрин пуд пай Дербентский райондай кватӱнавайди я.

Алатай йисуз Дагъустандин уьзумлухрай 149 агъзур тонн кагърабадин жинсинин ципицӱлар кватӱнай. Цӱнин йисуз республикада 25 агъзур гектардилай алатна уьзумлухар хъанва.



## ЦИЙИ КЪАЙДА ТАЙИНАРНАВА

**2017-ЙИСАН 1-январдилай «Государстводин кадастрдин кЪимет гунин гЪакЪиндай» федеральный закондин бинедаллаз, государстводин кадастрдин кЪимет гунин цийи къайда тайинарнава. Идалай гЪейри, и закондихъ галаз сад хъиз, налогар илитГунин бинени дегиш хъанва. Эгер виликдай капитальный эцигунрин объектар патал ихътин бине инвентаризациядин кЪимет жезвайтГа, 2020- йисалай башламишна ам кадастрдин кЪимет жеда.**

КЪимет гунин кЪвалах тухузвайдини дегиш хъанва. Виликдай ам кЪимет гунин кардал машгъл кълдин ксарин организацириякай конкурсдин бинедаллаз хкъзавай. Гила и картамарзавайди сад жеда- региондин ГБУ. Магъарамдхуъруьн районда и кЪвалах ГБУ РДдин Магъарамдхуъруьн районда авай филиал «Дагтехкадастрди» таммарда.

Капитальный эцигунрин объектрин (кЪвалерин) кадастрдин кЪимет дуьздаказ тайинарун патал «Дагтехкадастрдин» къуллугъ-чийри таммарда, яни абуру хуърериз физ, участокдал алай кЪвал ва чил тамамдаказ ахтармишзава. Гзаф вахтара иесийри чи пешекарар хушдаказ къабулзавач, абурув чпин кЪвалах ийиз тазвач. ГЪа са вахтунда чи пешекарри инсанрин арада гъавурда твадай кЪвалах тухузва, вири и крар, яни чилин участок, анал алай объектар ахтармишун гражд-

данар патал пулсуздаказ тухузвайдакай лугъузва.

Эменнидин иесийриз, закондин бинедаллаз, чпин кЪвалериз са касни ахъай тийидай ихтияр ава. Амма чи пешекарар и жуьреда кЪвалериз гъа хъунилай наразивал ийидалди вилик агъалийри и карди чпиз хийир гъизвани, я тахъайтГа абурун ихтиярар чГурзавани, гъадакай фагъумна кЪанда. Вучиз лагъайтГа, гзаф зегъмет алай ва муракаб и кЪвалахдин не-тижада чилерин участокрин ва кЪвалерин кадастрдин кЪимет тайин жеда. Ида чкадин бюджет ацГуриз куьмек гуда, агъалийри лагъайтГа, чпин хсусиятдилай артухан налогар гудач. Участокдиз, кЪвализ, квартирадиз талукъ информация кЪватГуналди ГБУ-дин пешекарри абурун кадастрдин кЪимет тайинарзава. И делилар гъикъван тамамбур хъайтГа, кадастрдин кЪиметни гъакъван гъакъикъиди жеда.

Са суал къевезва, Эгер ГБУ-дин пешекар кЪвализ ахъай тавуртГа, и карди тайин касдин эммениди-

кай къачузвай налогдиз гъикЪ таъсирзава? Ихътин дуьшуьшра эменни яргъалай килигна ахтармишзава. Объектдал финин маннийвал авурла (кЪвал агалнава ва къене са касни авач, маса се-бебар), гъакЪни иесиди и кардикай отказ авур дуьшуьшра ахтармишунин акт туькГуьрзава, адахъ шикилар ва видеоматериалар акалзава, гъакЪни эменнидин объект лазим къайдада алцумдай мумкинвал тахъайди къейдзава. Чи пешекарди адан уълчмеяр «вил вегъена» тайинарда. ИкЪ хъайила, мумкин я, иеси гъакъикъатда авачир квадратный метрийрай налогар гуниз мажбур жеда.

Кадастрдин кЪимет гунилай гЪейри, чи идаради БТИ-дин вири везифаярни таммарзава. Чи пешекарри кЪвалерин ва майишатчивилин дараматрин технический планар ва паспортар, чилерин участокрин сергъятрин планар туькГуьрзава.

**Рафидин  
ЗАГЪИРОВ,**

**«Дагтехкадастр» государстводин бюджетный учреждениядин Магъарамдхуъруьн районда авай филиалдин директор.**

## Ялцугъви хва Азербайжанда



Абдурагъманов Мегъялидин хизан: (эрчи патахъай) Усман, Гюль, Абдурагъман, Джемла, Гюльбиче (паб), Дюрнисе, Тагъи, Тагъир, Стара.

ГЪЕЛЕ КОЛХОЗАР та-хъанмаз башламишна, алатай эсердин 40-йисарин эхирдал къван Ахцегъ райондин агъалийрин, гуьгъуьнлай колхозрин, гъабурун жергедай яз Ялцугърин хуьруьн Фрунзедин тIварунихъ галай колхоздин лапарни къуд акъудиз Азербайжандин къишлахрал куьч жезвай. Хипехъанрихъ галаз пул къазанмишиз гъар жуьредин пешекарарни (кIуртар цвадайбур, пIенпIечияр, каргада парчяяр храз алакьдайбур, кIвачин къапар цвадайбур) ва маса ксар физвай. Абурукай гзафбуру чпин хизанарни тухузвай.

Са къадар ялцугъвийрикай хизанар гъана туна, кIвал-югъ кутуна

Азербайжанда амуьна, вучиз лагъайтIа дагъларин мишекъат шартIара яшамаш хъун четин тир.

Ялцугърин са шумуд хизан Геогчай, Агъдаш, Къебела, Къудкъашен, Варташен, Зербад, Камарван, Севреган, Михликъавах, Агъжакъебеле ва маса чкайра яшамаш жезвай.

Чи хуьруьнвийрикай са шумуд хизан Геогчай шегъердиз куьч хъана. Абурун арада Абдурахманов Мегъали бубадин гада Шагъисманланни хизанни авай Мегъали бубадиз 4 гада: Шихисмаил, Усман, Абдурахман, Идрис; 3 руш: Мелек, Гуьл, Джамиле.

Мегъали бубадин гада Шихисмаилаз 3 гадани: Тагъир, Загъир, Магъир; 3 руш: Адила, Раила,

Тагъира.

Къенин чи макъалада чун гегъеншдиз Загъиракай рахада. Ам сад лагъай январдиз 1934 лагъай йисан Геогчай шегъерда кIвачин къапар цвадай устIар Ялцугъви Абдурахманов Шихисмаилан ва Пакизатан хизанда дидедиз хъана.

Ам гзаф алакьунар, зирек ва акьуллу аял тир. Геогчай шегъердин юкъван школа хъсан къиметар аваз куьтягъна Баку шегъердин Азербайжандин технический институтдиз гъахъна ва агалкъунривди инженервили пеше къачуна.

Инженервили пеше къачунвай жегъил Бакудин лейтенант Шмидтан тIварунихъ галай заводдиз рекъе туна. Ина ада вичин кIвалах Азербайжанда лап чIехиди тир машиностроительный заводдин мастердин куьмекчивилелай заводдин директордин везифадал къван хкаж хъана.

Кар алакьдай, гзаф хъсан тешкилатчи тир пешекардал гуьгъунлай Бакудин лап чIехи район тир Нариманов райондин Сад лагъай секретарвили кьуллугъ ихтибарна.

А чIавуз Бакудин Нариманов райондин республикада гъазурзавай продукциядин 60% гъасилзавай. Загъир Абдурагъманова вич къиле акъвазнавай Нариманов район республикада

## Чехи кьуллугъдал

Къенкъевчи район хьун къазанмишна.

Чехи агалкъунрай Нариманов район Республикадин ва ЦК КПСС-динни СССР-дин Министрин Советдин гъилляй-гъилиз къведай пайдах къачуниз лайхлу хъана.

Азербайжандин миллетдин лидер (башчи) Гъейдар Алиева Загъир Абдурагъманован агал-



къунриз еке къиметни ганва. Адаз «Азербайжандин лайхлу инженер» тIвар гана. «Зегъметдин Яру Пайдах» ордендиз лайхлу хъана.

Абдурагъманов Загъир Бакуда яшамиз жезвай Кулиева Тагиредал эвленмиш хъана. Адаз 2 гада Загъир, Рауф, къверуш: Ираде, Эльмира ава.

Загъиран чIехи гада Рауфа президент Илгъам Алиеван патан гьукуматрай делегацияр къабулдай, абурун хатасузвал таъминардай отделдин чIехид яз генерал майордин чиндаваз кьуллугъзава.

2004-йисан 16-лагъай сентябрдиз Загъир Абдурагъманов пудкъанни цIуд йисан яшда аваз рагъметдиз фена.

2014-йисуз Эсед Эвлислиди (Къулиев) «Азернешр» ктабрин издательстводи Загъир Шихисмаилович Абдурагъманован 80-йисаз талукъарна, адан уьмуьрдин ва кIвалахдин рехъ, са-

нал кIвалахай юлдашрин, дустарин рикIел хкунар аваз чIехи ктаб акъуднава, тIвар «Агъгеже» (лацу йиф).

Загъир Абдурагъманов Магъарамдхуьруьн райондин Советск хуьре яргъал йисара почтадин отделениядин начальник, гила пенсияда авай Абдурагъманов Тагъидин хайи имидин хва я.

Тагъи бубани виликан «Коммунист» гьугъуьнлай «Лезги газетдин» даяхрикай сад я. Гилани ада газетдиз макъалаяр кхъизва.

**Сулейман ПАШАЕВ.**

Советск хуьр.

## «САМУРДИН СЕС» ГЪАР СА КIВАЛИЗ

### К у ъ н е райондин г а з е т кхъенвани?

ЗАЗ лезгийрин чехи вацун тIвар алай «Самурдин сес» газет гзаф бегенмиш я. За райондин газет кхъиз гзаф йисар я. Гъа са вахтунда ам ашкъи аваз кIелни ийизва. Газетди гъар са хуьруькай, анин инсанрин уьмуьрдикай гегеншдиз кхъизва. Гьуьрмет, хатур авай зегъметда лигим хъанвай районгълияр машгур ийизва. Газетди райондин общественый уьмуьрда тухузвай кIвалах иллаки тариф авуниз лайхлу я.

«Райондин администрацияда» рубрикадик кваз гузвай материалри чун районда киле физвай кIвалахрихъ галаз танишарзава.

Заз газетдин чинрай райондин хуьрерин уьмуьрдиз талукъ гзаф интересний материалар аквазва. Абурун арада школайриз, культурадин ва медицинадин идарайриз, спортдиз, аваданламишуниз талукъарнавай материалри газетда важиблу чка къазва.

Зи фикирдалди, жуван дидедин чIалал акъатзавай, чаквай ва чи къайгъуйрикай кхъизвай газет гъар са кIвале хьун чарасуз я. Гъайиф хъи, райондин газетдикай хабар авачир кIвалер гзаф ава. За умуд кутазва 2018- йисуз «Самурдин сес» газет гъар са кIвали вахчуда.

**Гъабидин АЛИЕВ,**  
Афгъанистандин ветеранрин Союздин председатель.

# ЧАН АЛАЙДИ ЧАН АЛАЙДАЗ

ЧИЛЕЛАЙ са-бубат хкаж хъана, гъа чиле аклунавай хътин рагъл ранг алай векъи чархукай хкатзавай гъамга хътин ци, агъадалди авахъиз, къацу векъин арадай вичиз гуйтълъ, деринвал авачиз чклана физвай хвал кутунва. Са шумуд камунин агъадай къве патайни са юклуни кван агъада авай чухурдай физвай и хвалаз къеж квай къваларай, гъекъеди кyunвай пелен биришрай хъиз, акъатзавай капашра гъакъдай кван члехи стлалри, агъада гъатнавай къарасудик акахъиз гъерекатзава. Мадни агъадай са хейлин мензилда гуйнедай яд артух хъунивай дерин жез, къерехар гъаркью ва гегенш хъана шуршурдин ван алай къубуди тамуз мукъва дуьзенда члехи гъавиз арадал гъанва. Гъавизди вичин ятар вичелай агъада аваз гуйлукъ гъерекатзавай вацлуз ракъурзава.

И гъавиздин эрчи патай са гуйтълъ жигъир къве виш камунин яргъай хъиз аквазвай вацлун къве хилен арада авай къураматдиз лап гуйтълъ рехъ хътин гел фенва. Къурамат лагъайтла, гъвечли кул-кусрини къижийри (папоротник) клевирнавай юкъва квалерихъ жедай члехи гъаят кван, са къилляй яргъи ва гуйтълъвал авай, гачал къилиз ухшар майдан - чилин клус я.

Гъа и «вилаят» жанавурдин хизанди вичиз вири къулайвилер авай дарамат яз хкъанва. Жанавуррин хесетар хъсандиз чидай инсанрин ихтилатрай чир хъайивал, вагъшийрин хесет я: абуру гъа ихътин къуд пад клеви, масадан ва я теклиф тавур мугъманрин вил хклан тийидай, гъвечли шарагар магъарадивай яргъаз къакъат тийидайвал къугъвадай майдан ва къваларивай яд авахъзавай чка къада. Аквадай гъаларай, абуру вири шарагрис къулай ва регъятвал хъун патал герек шартлар я. Шарагрини чеб патал авунвай къайгъудар шартларикай менфят къачузва: гъамиша каткалтугда ава, чпин къуватар алцумиз къуршахра гъатда, ярх хъанватлани, гъамиша къаравулвал члугвазвай дидедал жкада-

риз, гъадан япар, тум къаз ялиз, тлшериз мез гуз, чпелай алакьдай кван женжел амаларни къугъунар ийиз, ара-бир чпин бици хци сарар сухиз дидедиз хъуьтуьл тларвал гуз, гъерекатда жеда.

Шарагар тазазмай кван са декъикъада кванни дидеди шарагрилай вил алуд тавуна, абуру къилди, чеб чпин ихтиярда туна тадач. Кланда хъи риклиз и гъвечли, дарискъал «вилаятдикай» гуйгъул куьцлейла, экъечина члехи тамуз, даматар ачухариз, «дуьньядиз вил вегъез», «кланидахъ галаз сейрангагда кеф члугваз», кат-калтугар авуртла! Амма ваъ, балайрин къайгъу жуван чандилай багъа я, дидевилин рикин секинсузвал, дидевилин кланивал, балайрин багъавал анжах дидедивай хуьз алакьда. Нивай къатлуз жеда са геренда балайрин къилел я цавай, я чилляй гъихътин хата-бала аватдатла?! Машах, ляй, гъа сиклини, цуцлунни таза бицекрин душманар я. Гъинихъай, гъик акъатдатлани, къил акъатдач, вилик квай бала цавузни чилиз фида. Ни кванни ваз хкъедач, я гелни ваз ахкъедач! Ахпа ваз кландатла къув ягъа, кландатла къвалар-къвалара акидалди гъарая! Гъак хъайила, югъ, йиф талгъана, жуван балайрин къайгъуда хъун саламатвал я.

Къе диде - жанавурдин риклик къалабулукъ кутазвай члехи тлал ава, амни гъурчез экъечинавай члехи къве балани абурун буба хтана ахкъат тавун я. Югъ нисинлай алатнава, къене затл амачир бицекрин жкадрунарни яваш хъанва, я буба хтанвач, я шаз ахъайнавайбурукай амай къве хва. Я къилел са балакъада атанва, я затл гвачиз хкъез жезвач. Адет яз, абуру пакам къилляй чкадал хъун лазим я, къе вучиз геж хъанва?! Чандик зурзун кваз, ам герен-герен чпин жигъирдихъ вил ахъайиз, яраб вуч хъанатла, яраб нел ва квел дуьшуьш хъанатла, яраб...

Секинсузвили мефт регъезвай дидедин япарихъ таниш камарин вешрешдин уьтери ван галукъна. Белки туш жеди... Гишила ксанвай шарагрис са вил яна, япар хци авур ам, алай чкадал цавуз акъатна, чпин жигъирдиз килигайла, чандик аман кумачиз, къил хура

гъатнаваз, залан ва яваш пацар вилик вегъез, «вилаятдин варавай» гуйгъуьна, бубадилаини пелеш хъанвай жегъилар аваз, жанавур буба пайда хъана. Абурун вилик экъечлай диде жанавурди, адан къуьнерал пацар вегъена, пелез, тлшез, вилериз мез гуз, тавазивилер ийиз, хвеш хъуналди къаршиламишзава. Амма гъамиша юмшагъ ва назиквилелди агатдай жанавур гуйлукъ кланзни-такланз адан кинер къабулзава.

Ахварикай кватай бицекар сад муькуьдалай алатиз, ярх жез - къарагъиз, анцл ацалтна бубадал ва стхайрал чукурна, гагъ тум класиз, гагъ пацарал сарар вегъез, члехибурун тлшерихъ агакъариз кланз жкадариз, тлун гъатдайди чиз, чпин шадвал къалурзава.

Магъарадив агакъай жанавурди хъап яна, тлур къуьрен клусар сивяй хкана, шарагрин вилик вегъена, вич вичикай бейкеф яз, къвалач гвай валан пуна ярх хъана. Жегъил жанавуррини гъарда цлуд-цлуд кван чуьлдин къифералди и яван, къуш квачир тлунрик чпин пайни кутуна, бицекрин руфунар дулу авуна, абурун тлурди иливариз векъл ярх хъайила, вичин кашдиз са чара ийиз «суфрадихъ» диде жанавурни агатна, шарагрин таза сухваривай жакъваз тахъай кларабарни къуру даматар хци клирерив кукивариз, куьлукъ клусар хъуьткъуьнна, сумрада тахсир квай лишанар къватинавай вичин иесидин патав агатна, кланивилелди адан тлшез мез гана: «хажалатмир, сад ава кланивал, сад ава жеривал», хъайидал чун рази я, къатук, жуваз ял ягъа, пакаман ялавдилай нянин тлун, гълбетда, хъсан тир», - лугъудайди хъиз, адаз чан-рик авуна, вични къвалач къаткана.

Гъамиша хъсан тлунар, хъсан гъурч хъайила, гъерен жендекар вилик вегъена, къвалари члакъ ийидалди тлур вахтарни, гълбетда, абурун уьмуьрда, тахъана амуькнач.



# ЧАН АЛАЙДИ ЧАН АЛАЙДАЗ

6 ←

Амма абур мукьвал-мукьвал, клан хъайивалди жагъидачир, халкъдихъ мал-къара, лапагарни тѳимил хъанва, чуълда йифер акъудиз акъваздай гъайванарни амач, тамун вагъши гъайванар, ачкараар ва маса ничхирарни авчийрини терг ийиз, тѳебиат къециларзава. Жанавураар чебни гзаф хъуникди, виридаз гъурч бес жезвач. Тамарни вири тапанчини тѳенг, автоматни гранат гвайбурай ацанва. Рехъ алатна, хатабала къилел атана чуълда амукъай гъайван, тамун вакъабан, къуърни туртур гъурчехъанризни гъатзамач. Гъурчехъанар чебни тамариз физмач, мешебегни кваз тамуз физмач, «тамун стхайрихъ» къекъвезвайбуру штуклар патал ягъиз рекъиз, планар ацлурзава, чинер къазанмишзава. Жанавурдиз гъурч гъинай гъат хъувурай?!

«Жанавур къаних тирди виридаз чида», и хесетни адак инсанри кутунва, инсанри чпин къанихвал тежер къван артух хъайила, чѳехи пай жанавуррал вегъезва. Гъайиф хъи, ихътин баснийрай къачунвай чирвилералди инсанри жанавурдин къилих, хесетар вагъшибур яз гъисабиз гъакъикъат рагъуларзава.

Жанавур вичихъ авай къван фендигарвилелди, зиреквилелди, къуватдалди, къатлунрин зарбуна эхи авуниз дурум гуналди анжах миргинилай ва къуърелай зайиф яз, агъзур километрияр кѳвачай акъудиз, хизан хуън патал чѳехи къайгъудар зегъметчи тирди гзафбуруз чизвач.

Жанавур гъамиша каша авайди, гъурч авуна къене тур суърсет «сифте шарагриз, ахпа абур хуъзвай дидедиз, ахпани амайбурузни жуваз» жанавуррин чпин эдебдин къанун кѳевелай хуъз, вичин гишин иштягъ къена, тѳуън цлурурзавай руфунин «аппаратура» кардик кутан тийиз,

«чара атлай умуър» тухузвай сабурлу ва дурум авай гъайван я.

Вучиз жанавурди къабандал вегъезвач, амма балкландиз, яцраз, гамишдизни кваз инсафдач? Жекийар хуъзвай вакни, къабанни гъакл я. Къабандизни, жанавурдиз хъиз, вич къейитла, диде вакни, цлурнуьгъарни иеси амачиз каша гъатна рекъидайди чизва. Сифте чеб хуъзва, чеб хуъналди чпин хизанни.

Лап мукьвал вахтаралди инсанриз жанавуррин чпин арада къалмакъал, чуъруьк, куклун-гатун тежедайдакай чидачир. Жанавуррин умуър гзаф йисара мукъувай чирай ва ахтармишунар тухвай Канададай тир биолог ва писатель Ф. Моуэр, урус алим В.Городинская хътин ксарин ктабар клелайла, аквада хъи, и вагъши гъайванрин арада, инсанрин арада хъиз, сада муькуьдан чандиз къаст авун, адан вилик квайди къакъудна вич паталди тарашун авач. Чуъруькдал аватай вири месэляар чпин арада чѳехиди – гъевѳиди гъисаба къуна, меслятдалди, ислягъвилелди гъялзава.

Пуд-къуд йисан яшара гъатнавай жегъил жанавураар, жанавуррин мехъеррин мярекатар къиле физвай вахтара, вад - ругуд эркек са дишидан гуьгъуьна югъ-йиф гъатна, гъадан рикл вичел ацукъариз гъар сада «рушан» кефиниз клан хъайи гъихътин мурад хъайитлани къилиз акъудиз, чѳехи сабур хвена, «рушан» назвал, шиндакъар эхи ийиз, эркекри чпин кефи са амалдалдини хан тийиз алахъда. А амалар «рушан» ахмакъвилин лишанар туш, ада вичиз умуърдин юлдаш, иеси хкъягуна эркекдин фендигарвал, амалрин деб, къуват, алакьунар ахтармишунин мурад яз, эркекрин вилик эцигзавай имтигъанар я. Эркекрикай сад вичин къилихдалди, алакьунралди гележегдин юлдаш, тербиячи жедайди яз къалруналди руша вичи хкъягъун бес я. Муькуь муьгъуьббатди кузвайбуру, са хиянатдин карни тавуна, къве кланиди авай вилаятрай квахъда, маса клеретра чпин бахтунихъ къекъведа.

Эгер эркекрикай сада дишида хкъягъайдан чка къаз жуърэт авуртла, «руша» адаз ахътин гатун, беябур-

чивал къада хъи, ам а ахмакъдин умуърда риклелай тефидай гъалдиз гъида. Жанавуррин чпин эдебдин къанунралди дишидахъ галаз куклун, ягъун анихъ амукърай, дишиди алай чкадал ван алаз гъургъур авун кутугнавач. Рушакай ви кефи ханватла, жуван къене хуъх, ви чанда гъатнавай хъел, ажугъ масадаз чирун айиб, ажувал я. Руша вун негъ ийидай чкадал атанватла, маджув адан вилериз къалурмир. Эгер эркекрин арадай чпин къегъалвилелди руша къведаз вичин назвилер ийизватла: имни риклиз чими я, муькуьдини къегъалрин къегъал я – хиялрик кватла, рушавай абурукай сад хкъягъиз жезвачтла, эркекар кланзни – такланзни къуршахра гъатун лазим я, «финалдиз» акъатай абуру чпин къуватдалди, гунарлу кралди, гужлувал, амалдарвал къалуруналди гъалибвал къазанмишна кланда.

Акъажунра гъалиб хъайидан вилик муькуьда, гардан агъузана, ажувал хиве къада.

Гъалибчиди ажудан къилин ивидин дамардиз са клир сухун бес жеда. Амма ваъ, вичин гъалибвал гужлуда дамах къачуналди къалурдач, я ада вичин вилик гардан клирна, «мад за яшамиш хъуникай вучда?» лугъузвайдаз тларвал гудач. Ада явашдиз адан къвала пац эцягъуналди «мад вун чи вилериз къалурмир» лугъуда.

Сада муькуьди рекъидайвал шкеста, набутвал, айибнукъсанвал кутун «ислягъ гъайванрин» арада хъунухъ мумкин я. Вагъши гъайванри чпи чпиз хасаратвал гудач. Чпин арада вагъшивал, хасаратвал гана, вири тухумдиз акси кар садай акъатайтла, ам вирида негъ ийида, чпин арадай чукурда.

Жанавураар думада дишегълидин чларар къуна чиле калтаддай жириновар туш.

**Фахрудин  
НАСРЕДИНОВ.**

Магъарамдхуър.

**В ПРОКУРАТУРЕ РАЙОНА**

**Уголовное дело направлено в районный суд**

ПРОКУРАТУРА Магарамкентского района утвердила обвинительное заключение по уголовному делу в отношении жителя с. Хтун-казмаляр Магарамкентского района М. Он обвиняется в совершении преступления, предусмотренного ч.3. ст. 359 УК РФ (участие наемника в вооруженном конфликте или военных действиях).

Органом предварительного следствия установлено, что в августе 2014 года М. в целях получения материального вознаграждения, при содействии неустановленных лиц, осуществляющих пе-

реpravку наемников, по поддельному паспорту гражданина республики Таджикистан прибыл на самолете с территории Турции на территорию Украины для участия в боевых действиях против отрядов ДНР и ЛНР в составе вооруженных сил Украины.

Находясь в составе добровольческого вооруженного формирования М. прошел обучение по боевой, физической и тактической подготовке, получил военное обмундирование ВС Украины и оружие, предположительно модели «АК-5,45 мм.» с боеприпасами. Не имея источни-

ков дохода, М. на протяжении двух месяцев принимал участие в вооруженном конфликте на стороне ВС Украины против отрядов ДНР и ЛНР, а именно, в боевых действиях за г. Краматорск и близлежащие населенные пункты Украины.

Уголовное дело для рассмотрения по существу направлено в Магарамкентский районный суд.

**М. КАЗИХМЕДОВ,**  
прокурор района,  
старший советник юстиции.

*Сурет*

**ТУРНИРДИН ГЪАЛИБЧИ**



АЛАТАЙ гъафтеда, Магъарамдхуъре авай Абас Исрафилован тварунихъ галай спортшколада азаддиз кършахар къунай райондин турнир къиле фена.

И турнирда Магъарамдхуъруьн 2- нумрадин юкъван школадин 4- классда келзавай Эмиль Гъажиевани иштиракна.

Тренер Славик Шагмарданован гъилик гъазурвал къачузвай Эмиль и турнирда 1- чкадиз лайихлу хъана.

**ЖАННА.**

**Нурудин НАСРУЛЛАЕВ**

**КАМАЛДИН  
КУКІ УШАР**

*\* Диде-буба, квал-хуър рикле хъун, жуван кеспида лайихлу хъун, Ватандин дережа вине къун- ва-фалувал я.*

*\* Шукур хъуй зун хайи зи диде-бубадиз, зал чан гъана, вилера экв туна, гъилера-квачера къуват тур! Зун уьмуърлух буржлу я абур риклел хуьниз!*

*\*Цав къакъан я. Эгер зи гъил агакъдайтла, за анал эвелни-эвел зи дидединни бубадин шикилар члуевадай.*

*\*Къунши хъсан хъайила, варни агализ клан жедач.*

*\*Сир сад хъун еке къуват я.*

Къепиркъазмайрин СОШ-дин 11- класс куьтягъайдан гъакъиндай 2000- йисуз Муртазалиева Розадиз гайи А 5476393- нумрадин аттестат квахъуниз килигна къуватда амачирди яз гъисабин.

**Къилин редактор  
А. А. ИСМАИЛОВ.**

**Редакциядин адрес:**  
368780. РД, Магъарамдхуъруьн район, Магъарамдхуър, Ленинан куьче.

Газет гъафтеда садра акъатзава.

**Учредители:** Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).  
**Адрес:** 368780. РД, Магъарамдхуъруьн район, Магъарамдхуър, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

**Чап ийиз вахкудай вахт - 16.00.**  
**Чапун патал къул члуьгуна- 15.00.**

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуъруьн район, Магъарамдхуър, Ленинан куьче. Лезги члал.  
**Индекс 63340. Тираж 1400.**  
**Заказ № 47.**

**Телефонар:** редактор- 25-1-37, жавабдар секретарь - 25-1-39, бухгалтер-25-9-69.

**6+**